

اداره خانه

باب عالی جاده سنده دائره مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۴۵) غروشدرد. ممالك اجنبیه ده
سنه لکی (۱۷)، آلتی آیلغی (۹) قرانقدرد.
[ایضاحات: نسخه سی الی پاره، آلتی
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندرد.
§ آدرس تبدیلنده قرق پاره لک
پول کوندرملی در.
§ مسلكه موافق آثار مع المصنویه
قبول اولنور. درج ایدیلمه یین یازیلار
اعاده اولونماز.

کتابخانه

۱۳۳۰ ۱۳۳۱ ۱۳۳۲

دینی، علمی، ادبی، سیاسی هفته لک مجموعه اسلامییه در

اخطارات

رساله مزردن آلتدیغی کوسترلک شرطیه
بتون یازیلار هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؛

§

ممالك اجنبیه ایچون آبونه اولانلرک
آدرس لرینک فرانسزجه سی ده یازلمسی؛

§

پاره کوندردلکی زمان نه یه دائر اولدیغنک
واضحاً بیلدیرلمسی رجا اولنور.

عدد ۲۵۰

۲۱ رجب شریف ۱۳۳۱

پنجشنبه

۱۳ حزیران ۱۳۲۹

جلد ۱۰

مَقَالَات

حیات ، صحتله قائمدر

حیات ، صحتدن عبارتدر . صحتك فقدانی حیاتك فقدانیدر .
 « المرض برید الموت » نهوت ! خستهاق ، موتك خبرچیسیدر .
 حالبوکه . حیات ، انسانه اك معزز برامانت حقدر . بوامانتك
 هرشیدن اول محافظهسی صاحبي ايجین اك مهم بر فریضهدر . حفظ حیات
 اسبابی موجود اولدقجه ، حفظ حیات امکانی الیه بولوندقجه آنی اھمال
 ایتك ، موته قارشى لاقدی کوسترمك اتخاردن باشقه نه ایله وصف اولو-
 نه بیلیر ؟ متحرك ایسه نظر شریعتده موقعی درك سفل خسراندر . اونك
 — تریهیا للامثال — جنازهسی بیله بیقانماز . نمازی بیله قیلنماز .
 تزکیه امکانی ده یوقدر . نه قاجع عاقبت ! نه هائل خاتمہ ! کچن کون
 بری بدن سورییوردی : دیش دولدورمق جائز می ، دکلی ؟ برجوب
 ایستور . همده « قطعی اولمیدر » دیوردی . نهوت ! مستفتی بك
 حقلیدر . زیرا بو ، بر حیات و ممات مسئله سیدر .

دیش نهدر ؟ کاشانه حیات اولان بنای وجودك تم طاشلری .
 تمی چورون ، سوکولن برنا پایدار اوله بیلیرمی ؟ البته اوله ماز .
 البته بیقلیر کیدر .

قدرت وعظمتی تناهی شانندن اولیان جناب حق وجود انسانه
 اکسا بیوردینی شو لباس احسن تقوی درین برامعان نظرله ، نظر
 حکمت و معرفتله تدقیق اولونسه . . . فقط دیدیک یا : نظر حکمت
 و معرفتله . . . مثلاً ایشته دیشلر ! براز منافع الاعضا فنی اوقومش ویا
 کوش جان ایله دیکله یوب اکلامش ، اکلامغه چالیشمش اولان هر عقل
 سلیم صاحبي کتاب خلقتك بو صحیفهسی ثوننده . قدرت حقك کماله
 سجده بر ایمان اولماسی قابل دکدر . بوقیمتدار ، بو مشعش الماس
 بارلردر که وجودی بوتون آغیراغیله طاشیور . حیاتی بوتون قوتیله ،
 بوتون طراوتیله یاشاتیور . دیشلری صاغلام بر اختیار ، دیشلرینی
 چوروتمش ، ضایع ایتمش برکنجدن بیک قات بخیارددر . اوسلنك
 ترقیسنه رغماً کال عافیتله دینچ بر وجوده مالک اولور . یا بو زوالی
 وظیفه هضمیهسی ایفادن ظلماً محروم ایدیلن معدہسی « المعده بیت
 کل داء » سرینه مظهر اولور . . . ! شرف خلقتی غیب ایدر . چونکه
 فریضه عبودیتی ایفادن اوزاق قالیر . هله فرائض دینه اجتماعیه عادتا
 کندیسنه وداع ایدر . عالمهسی سادات یوزی کوره مز . چونکه
 بچاره پدر مجموعه امراض واسقام . دائماً بی تاب !

ای ، بوفلاکته جناب حق راضیمی ؟

هیچ شبهه یوقدر ، که انسان حفظ حیات نامنه ممکن اولدقجه

دیشلرینی محافظه ، چوروکلرینی املا و تعمیر ایتسی لازم متقدم بر
 فریضهدر . بر دیشك - بالاملا - استعمالی ممکن ایکن بغیر حق چیقاریلمسی
 بر پارمغك کسيلمسی کیدر . بلکه آندن بیله مهلکدر . دینیور که :
 « دیش املاسی غسله مانعدر » هیچده طوغری دک . حضرت
 شریعتہ محض بهتان و افتراء . مدعای ایتبات ایدم : فتاوی هندیهنك
 کتاب الفسله باقیکنز ! اوراده کی عبارت فتوانك مالی شویله در :
 « مغتسلک دیشی چوروک اولوبده قوووغی یمک بقیه سیله دولواولسه ،
 بونك چیقاریلمسی آغری ، اضطرابی دعوت ایتسه دیش حاله بر اقلیر .
 غسله مانع اولماز . » هله ابن عابدینده کی اسلوب فتوا بوندن ده
 مساعد ، ده رحمت نشاردر . « ولایمغ طعام بین اسنانه اوسنه المجوف
 به یقی = مغتسلک دیشلری آراسنده ، ویاخود چوروک دیشنك
 قوووغده کی طعام مانع غسل دکدر . » شمده منصفانه ، بی طرفانه
 دوشونهلم . مجرد الم واضطرابی موجب اولماق ايجین چوروک دیش
 قوووغی دولدیرمش اولان طعام بقیه سنك مانع غسل اولمیدینی لسان
 فتوی ایله اتمه تبشیر ایدن حضرت شریعت احمدیه نه دن دیشك
 دولدیرلمسنى تجویز ایتمه سین ؟ خصوصیه یمک بقیه سی اودیشی تولدیر یور .
 حتی یالکنز اونیمی ؟ بلکه ضرری تدریجاً بوتون دیشلره ساری . بوايه
 دیشی تولومدن قورتاراجق . ممکن اولدینی قدر حیاتی تجدد ،
 خدمتی تحدید . صاحبك صحت وعافیتی تأیید وتشیید ایدم . شو
 فتوالره تکرار تکرار نظر انصافی جلب ایدرم . برده ایدرم : مؤمنلرینك
 جزئی بر دیش آغریسنه راضی اولیان ، مضر بر مادهنك دیش قوووغی
 ایچنده بر اقل مسنه مساعد ایدن اسلامیت نیچین دیش دولدیرلمسنى تجویز ایتمین ؟
 عصر اجتهادده دیش دولدیرلمق فی اولمیدینی ايجین می ؟ شریعت زمان ایله مقید می ؟
 شریعت مکانه اسیر می ؟ شریعت ، دین جبر وتضدیمی ؟ حاشا ! ایشته :
 « وما جعل علیکم فی الدین من حرج . = الله : دینده سزك اوزریکنزه
 قطعاً دارلق تحمیل ایتدی . » ایشته : « یرید الله بکم الیسر ولا یرید بکم
 العسر . = الله سزده قولایلق مراد ایدیور . کوجلک مراد ایتیور . »
 آیات جلیلهسی بو تنزیهمزك شاهد ازلی وابدیسیدر . شارع اعظم
 « صلی الله علیه وسلم » افندیغ حضرتلری « یسروا ولا تعسروا وبشروا
 ولا تسفروا » بویورمیورلری ؟ تیسیره بدل تعسیر ، تبشیره بدل تسفیر
 لایقمیدر ؟ امتی بو کوزلم اسلامیتدن ، بومقدس حقدن صوغوتیق .
 همده « ولا تقولوا لما تصف السنتکم الکذب هذا حلال وهذا حرام
 لنفرتوا علی الله الکذب ان الذين یفترون علی الله الکذب لا یفلحون »
 نهی الهیسنه عصیان ایدرک ، قریحدهن فتوا تعسیر وتفسیر ویرمک
 ایشته بزى بودر که اسفل ذلت و مسکنته دوشون تعصب و تعبیر
 صحیح ایله جهل اضعاف مضاعف .

فخرالدین